

衆事分阿毗曇論卷第十

附十

尊者世友造

宋三藏求那跋陀羅共菩提耶舍譯

千問論品第七之三

禪無量無色三摩提定菩提品根入陰界禪

者謂四禪問云何四答謂初禪二禪三禪四

禪問此四禪幾色幾非色答禪所攝身口業

此是色餘非色一切不可見一切是無對

問禪幾有漏幾無漏答一切應分別禪或有

漏或無漏云何有漏謂禪所攝有漏五陰云

何無漏謂禪所攝無漏五陰一切是有為若

有漏彼有報若無漏彼無報一切從因緣生

世所攝禪所攝身口業是色所攝餘是名所

攝禪所攝心意識是內入所攝餘是外入所

攝一切是智知若有漏斷知及斷若無漏

非斷知知及不斷一切是應修一切不穢汚  
一切是果及有果一切是不受禪所攝身口  
業是四大造餘非四大造一切是有上禪若  
有漏彼是有若無漏彼非有禪所攝身口業  
及心不相應行因不相應餘因相應

善五處少分攝四禪四禪亦攝善五處少分  
不善處所不攝無記處所不攝漏處所不攝  
或有漏處攝非禪作四句有漏處攝非禪者  
謂禪所不攝有漏五陰禪攝非有漏處者謂  
無漏四禪有漏處攝亦禪者謂有漏四禪非  
有漏處攝亦非禪者謂禪所不攝無漏五陰  
及無為或無漏處攝非禪作四句無漏處攝  
非禪者謂禪所不攝無漏五陰及無為禪攝  
非無漏處者謂有漏四禪無漏處攝亦禪者  
謂無漏四禪非無漏處攝亦非禪者謂禪所

不攝有漏五陰一切或過去或未來或現在一切若有漏是色界繫若無漏是不繫

問禪幾學幾無學幾非學非無學答一切應分別禪或學或無學或非學非無學云何學謂禪所攝學五陰云何無學謂禪所攝無學五陰云何非學非無學謂禪所攝有漏五陰禪若有漏彼修斷若無漏彼不斷禪所攝身口業及心不相應行非心非心法非心相應禪所攝受陰想陰彼相應行陰是心法心相應心意識即心也

問禪幾心隨轉非受相應答作四句心隨轉非受相應者謂心隨轉身口業心隨轉心不相應行及受受相應非心隨轉者謂心意識心隨轉亦受相應者謂想陰彼相應行陰非心隨轉亦非受相應者謂除心隨轉心不相

應行若餘心不相應行如受想行亦如是除其自性三非覺非觀一分別初禪或覺隨轉非觀相應作四句覺隨轉非觀相應者謂覺隨轉身口業覺隨轉心不相應行及覺相應觀觀相應非覺隨轉者謂覺覺隨轉亦觀相應者謂覺觀相應心心法非覺隨轉亦非觀相應者謂除覺隨轉心不相應行若餘心不相應行

問禪幾見非見處答作四句見非見處者謂禪所攝盡智無生智所不攝無漏慧見處非見者謂見所不攝有漏四禪見亦見處者謂世俗正見非見亦非見處者謂見所不攝無漏四禪一切非身見因身見亦非彼因彼所攝身口業及思此是業非業報餘非業亦非業報

問禪幾業非業隨轉答作四句業非業隨轉者謂思業業隨轉非業者謂受陰想陰識陰若思所不攝業隨轉行陰業亦業隨轉者謂業隨轉身口業非業亦非業隨轉者謂除業隨轉心不相應行若餘心不相應行禪所攝身口業是造色色非可見色餘非造色色亦非可見色禪所攝身口業是造色色非有對色餘非造色色亦非有對色一切是甚深難了難了甚深一切是善亦善因一切非不善亦非不善因一切非無記亦非無記因一切是因緣緣亦有因

問禪幾次第非次第緣緣答一切應分別初禪或次第非次第緣緣作三句次第非次第緣緣者謂未來現前必起心心法次第亦次第緣緣者謂過去現在心心法非次第亦非

次第緣緣者謂除未來現前必起心心法若餘未來心心法及身口業心不相應行如初禪第二第三禪亦如是第四禪或次第非次第緣緣作三句次第非次第緣緣者謂未來現前必起心心法及無想正受已起當起次第亦次第緣緣者謂過去現在心心法非次第亦非次第緣緣者謂除未來現前必起心心法若餘未來心心法除次第心不相應行若餘心不相應行及身口業禪所攝身口業心不相應行是緣緣緣非有緣餘者是緣緣緣亦有緣一切是增上緣緣及有增上禪若有漏彼隨流非流若無漏彼非流亦非隨流無量者謂四無量問云何四答謂慈悲喜捨問此四無量幾色幾非色答無量所攝身口業此是色餘非色一切是不可見一切是無

對一切是有漏一切是有爲一切是有報一切從因緣生世所攝無量所攝身口業此是色所攝餘是名所攝無量所攝心意識是內入所攝餘是外入所攝一切是智知一切是斷知知及斷一切是應修一切不穢汚一切是果及有果一切是有上一切是不受無量所攝身口業是四大造餘非四大造一切是有無量所攝身口業及心不相應行因不相應餘因相應

善五處少分攝四無量四無量亦攝善五處少分不善處所不攝無記處所不攝漏處所不攝無漏處所不攝有漏五處少分攝四無量四無量亦攝有漏五處少分一切或過去或未來或現在一切是善一切是色界繫一切是非學非無學一切是修斷無量所攝身

世十

五

口業心不相應行非心非心法非心相應受陰想陰彼相應行陰心法心相應心意識即心也  
問無量幾心隨轉非受相應答一切應分別慈或心隨轉非受相應作四句心隨轉非受相應者謂心隨轉身口業心隨轉心不相應行及受受相應非心隨轉者謂心意識心隨轉亦受相應者謂想陰彼相應行陰非心隨轉亦非受相應者謂除心隨轉心不相應行若餘心不相應行如慈悲喜捨亦是如受想行亦如是除其自性  
問無量幾覺隨轉非觀相應答一切應分別慈心或覺隨轉非觀相應作四句覺隨轉非觀相應者謂覺隨轉身口業覺隨轉心不相應行及覺相應觀觀相應非覺隨轉者謂覺

若覺不相應觀相應心心法覺隨轉亦觀相應者謂覺觀相應心心法非覺隨轉亦非觀相應者謂除覺隨轉身口業若餘身口業除覺隨轉心不相應行若餘心不相應行及覺不相應觀及非覺觀相應心心法如慈悲捨亦如是喜或覺隨轉非觀相應作四句覺隨轉非觀相應者謂覺隨轉身口業覺隨轉心不相應行及覺相應觀觀相應非覺隨轉者謂覺覺隨轉亦觀相應者謂覺觀相應心心法非覺隨轉亦非觀相應者謂除覺隨轉身口業若餘身口業除覺隨轉心不相應行若餘心不相應行若或見亦見處或見處非見見亦見處者謂世俗正見餘是見處非見一切非身見因身見亦非彼因無量所攝身口業及思是業非業

報餘非業亦非業報

問無量幾業非業隨轉答作四句業非業隨轉者謂思業業隨轉非業者謂受陰想陰識陰若思所不攝業隨轉行陰業亦業隨轉者謂業隨轉身口業非業亦非業隨轉者謂業隨轉心不相應行若餘心不相應行無量所攝身口業是造色色非可見色餘非造色色亦非可見色無量所攝身口業是造色色非有對色餘非造色色亦非有對色一切是甚深難了難了甚深一切是善亦善因一切非不善亦非不善因一切非無記亦非無記因一切是因緣緣亦有因問無量幾次第非次第緣緣答作三句次第非次第緣緣者謂未來現前必起心心法次第亦次第緣緣者謂過去現在心心法非次

第亦非次第緣緣者謂除未來現前必起心  
心法若餘未來心心法及身口業心不相應  
行無量所攝身口業心不相應行緣緣緣非  
有緣餘緣緣緣亦有緣一切是增上緣緣及  
有增上一切隨流非流

無色者謂四無色問云何四答謂空入處識  
入處無所有入處非想非非想入處

問此四無色幾色幾非色答一切是非色一  
切不可見一切是無對一有漏三分別空處  
或有漏或無漏云何有漏謂空處所攝有漏  
四陰云何無漏謂空處所攝無漏四陰如空  
處識處無所有處亦如是一切是有為問無  
色幾有報幾無報答一切應分別空處或有  
報或無報云何有報謂善有漏空處云何無  
報謂無記無漏空處如空處識處無所有處

亦如是非想非非想處或有報或無報云何  
有報謂善非想非非想處云何無報謂無記  
非想非非想處一切從因緣生世所攝一切  
是名所攝無色所攝心意識是內入所攝餘  
是外入所攝一切是智知一斷知知及斷三  
分別三若有漏彼斷知知及斷若無漏非斷  
知知及不斷問無色幾是應修幾是不應修  
答一切應分別空處或應修或不應修云何  
應修謂善空處云何不應修謂無記空處如  
空處識處無所有處非想非非想處亦如是  
問無色幾穢污幾不穢污答一切應分別無  
色或穢污或不穢污云何穢污謂隱沒云何  
不穢污謂不隱沒一切是果及有果一切是  
不受一切非四大造一切有上一是有三分  
別三若有漏彼是有若無漏彼非有無色所

攝心不相應行因不相應餘因相應或善處攝非無色作四句善處攝非無色者謂善色陰無色所不攝善四陰及數滅無色攝非善處者謂無記四無色善處攝亦無色者謂善四無色非善處攝亦非無色者謂不善五陰無記色陰無色所不攝無記四陰及虛空非數滅不善處所不攝或無記處攝非無色作四句無記處攝非無色者謂無記色陰無色所不攝無記四陰虛空及非數滅無色攝非無記者謂善四無色無記處攝亦無色者謂無記四無色非無記處攝亦非無色者謂善五陰及數滅或漏處攝非無色作四句漏處攝非無色者謂一漏處及二漏處少分無色攝非漏處者謂漏處所不攝四無色漏處攝亦無色者謂二漏處少分非漏處攝亦非無

色者謂色陰漏處所不攝四陰及無為或有漏處攝非無色作四句有漏處攝非無色者謂有漏色陰無色所不攝有漏四陰無色攝非有漏處者謂三無色少分有漏處攝亦無色者謂一無色及三無色少分非有漏處攝亦非無色者謂無漏色陰無色所不攝無漏四陰及無為或無漏處攝非無色作四句無漏處攝非無色者謂無漏色陰無色所不攝無漏四陰及無為無色攝非無漏處者謂一無色及三無色少分無漏處攝亦無色者謂三無色少分非無漏處攝亦非無色者謂有漏色陰及無色所不攝有漏四陰一切或過去或未來或現在問無色幾善幾無記答一切應分別無色或善或無記云何善謂無色所攝善四陰云何無記謂無色所攝無記四

陰一無色界繫三分別三若有漏彼無色界繫若無漏彼不繫一非學非無學三分別空處或學或無學或非學非無學云何學謂空處所攝學四陰云何無學謂空處所攝無學四陰云何非學非無學謂空處所攝有漏四陰如空處識處無所有處亦如是問無色幾見斷幾修斷幾不斷答一切應分別空處或見斷或修斷或不斷云何見斷謂空處隨信行隨法行人無間忍等斷彼云何斷謂見斷二十八使彼相應空處彼所起心不相應行云何修斷謂空處學見迹修斷彼云何斷謂修斷三使彼相應空處彼所起心不相應行及不穢汚有漏空處云何不<sub>斷</sub>謂無漏空處如空處識處無所有處亦如是<sub>非想非非想</sub>處或見斷或修斷云何見斷謂非想非非想

隨信行隨法行人無間忍等斷彼云何斷謂見斷二十八使彼相應非想非非想處彼所起心不相應行云何修斷謂非想非非想處學見迹修斷彼云何斷謂修斷三使彼相應非想非非想處彼所起心不相應行及不穢汚有漏非想非非想處無色所攝心不<sub>相應</sub>行非心非心法非心相應受陰想陰彼相應行陰心法心相應意識即心也問無色幾心隨轉非受相應答作四句心隨轉非受相應者謂心隨轉心不<sub>相應</sub>行及受受相應非心隨轉者謂心意識心隨轉亦受相應者謂想陰彼相應行陰非心隨轉亦非受相應者謂餘心隨轉心不<sub>相應</sub>行若餘心不<sub>相應</sub>行如受想行亦如是除其自性一切非覺隨轉非觀相應問無色幾見非見處答一切應分

別空處或見非見處作四句見非見處者謂  
空處所攝盡智無生智所不攝無漏慧見處  
非見者謂見所不攝有漏空處見亦見處者  
謂五見世俗正見非見亦非見處者謂見所  
不攝無漏空處如空處識處無所有處亦如  
是非想非非想處或見亦見處或見處非見  
見亦見處者謂五見世俗正見餘見處非見  
四無色幾身見因廣說如苦集諦問無色幾  
業非業報答一切應分別空處或業非業報  
作四句業非業報者謂報所不攝思業業報  
非業者謂思所不攝報生空處業亦業報者  
謂報生思業非業亦非業報者謂除業業報  
空處若餘空處如空處乃至非想非非想處  
亦如是問無色幾業非業隨轉答作三句業  
非業隨轉者謂思業業隨轉非業者謂受陰

十一

十一

想陰識陰若思所不攝業隨轉行陰非業亦  
非業隨轉者謂除業隨轉心不相應行若餘  
心不相應行一切非造色色非可見色一切  
非造色色非有對色一切是甚深難了難了  
甚深問無色幾善因非善答作三句善因非  
善者謂善報生四無色善亦善因者謂善四  
無色非善亦非善因者謂除善報生四無色  
若餘無記四無色一切非不善亦非不善因  
問無色幾無記非無記因答一切應分別無  
色或無記亦無記因或非無記亦非無記因  
無記亦無記因者謂無記四無色非無記亦  
非無記因者謂善四無色一切因緣緣及有  
因問無色幾次第非次第緣緣答一切應分  
別空處或次第非次第緣緣作三句次第非  
次第緣緣者謂未來現前必起心心法空處

過去現在阿羅漢最後命終心心法空處次第亦次第緣緣者謂除過去現在阿羅漢最後命終心心法空處若餘過去現在心心法空處非次第亦非次第緣緣者謂除未來現前必起心心法空處若餘未來心心法空處及心不相應行如空處識處無所有處亦如是非想非非想處或次第非次第緣緣作三句次第非次第緣緣者謂未來現前必起心心法非想非非想處過去現在阿羅漢最後命終心心法非想非非想處及滅盡正受已起當起次第亦次第緣緣者謂除過去現在阿羅漢最後命終心心法非想非非想處若餘過去現在非想非非想處非次第亦非次第緣緣者謂除未來現前必起心心法非想非非想處若餘未來心心法非想非非想處

十一

十二

除次第心不相應行若餘心不相應行無色所不攝心不相應行緣緣緣非有緣餘緣緣緣及有緣一切是增上緣緣及有增上問無色幾流幾隨流答一切應分別空處或隨流非流作三句隨流非流者謂除流若餘有漏空處流亦隨流者謂三流少分非流亦非隨流者謂無漏空處如空處識處無所有處亦如是非想非非想處或流亦隨流或隨流非流流亦隨流者謂三流少分此是流亦隨流餘隨流非流

三摩提定者謂四三昧修問云何四答謂有三昧修廣修習住現法樂轉有三昧修廣修習知見轉有三昧修廣修習慧分別轉有三昧修廣修習漏盡轉問此四三昧修幾色幾非色答三昧修所攝身口業是色餘非色一

切是不可見一切是無對一有漏一無漏二  
分別住現法樂三昧修或有漏或無漏云何  
有漏謂住現法樂三昧修所攝有漏五陰云  
何無漏謂住現法樂三昧修所攝無漏五陰  
慧分別三昧修或有漏或無漏云何有漏謂  
慧分別三昧修所攝有漏五陰云何無漏謂  
慧分別三昧修所攝無漏五陰一切是有為  
一有報一無報二分別二若有漏彼有報若  
無漏彼無報一切從因緣生世所攝三昧修  
所攝身口業是色所攝餘是名所攝三昧修  
所攝心意識是內入所攝餘是外入所攝一  
切是智知一是斷知知及斷一非斷知知及  
不斷二分別二若有漏斷知知及斷若無漏  
非斷知知及不斷一切是應修一切不穢汚  
一切是果及有果一切是不受三昧修所攝

身口業是四大造餘非四大造一切是有上  
一是有一非有二分別二若有漏彼是有若  
無漏彼非有三昧修所攝身口業及心不相  
應行因不相應餘因相應善五處少分攝四  
三昧修四三昧修亦攝善五處少分不善所  
不攝無記所不攝漏所不攝或有漏處攝非  
三昧修作四句有漏處攝非三昧修者謂三  
昧修所不攝有漏五陰三昧修攝非有漏處  
者謂一三昧修及二三昧修少分有漏處攝  
亦三昧修者謂一三昧修及二三昧修少分  
非有漏處攝亦非三昧修者謂虛空及數滅  
非數滅或無漏處攝非三昧修作四句無漏  
處攝非三昧修者謂虛空及數滅非數滅三  
昧修攝非無漏者謂一三昧修及二三昧修  
少分無漏處攝亦三昧修者謂一三昧修及

二三昧修少分非無漏處攝亦非三昧修者  
 謂三昧修所不攝有漏五陰一切或過去或  
 未來或現在一切是善一色界繫一不繫二  
 分別住現法樂三昧修若有漏色界繫若無  
 漏不繫慧分別三昧修或欲界繫或色界繫  
 或無色界繫或不繫云何欲界繫謂慧分別  
 三昧修所攝欲界繫五陰云何色界繫謂慧  
 分別三昧修所攝色界繫五陰云何無色界  
 繫謂慧分別三昧修所攝無色界繫四陰云  
 何不繫謂慧分別三昧修所攝無漏五陰一  
 無學一非學非無學二分別住現法樂三昧  
 修或學或無學或非學非無學云何學謂住  
 現法樂三昧修所攝學五陰云何無學謂住  
 現法樂三昧修所攝無學五陰云何非學非  
 無學謂住現法樂三昧修所攝有漏五陰慧

分別三昧修或學或無學或非學非無學云  
 何學謂慧分別三昧修所攝學五陰云何無  
 學謂慧分別三昧修所攝無學五陰云何非  
 學非無學謂慧分別三昧修所攝有漏五陰  
 一修斷一不斷二分別二若有漏彼修斷若  
 無漏彼不斷三昧修所攝身口業及心不相  
 應行非心非心法非心相應三昧修所攝受  
 陰想陰彼相應行陰心法心相應心意識即  
 心也問三昧修幾心隨轉非受相應答一切  
 應分別住現法樂三昧修或心隨轉非受相  
 應作四句心隨轉非受相應者謂心隨轉身  
 口業心隨轉心不相應行及受相應非心  
 隨轉者謂心意識心隨轉亦受相應者謂想  
 陰彼相應行陰非心隨轉亦非受相應者謂  
 除心隨轉心不相應行若餘心不相應行如

住現法樂三昧修知見三昧修漏盡三昧修亦如是慧分別三昧修或心隨轉非受相應作四句心隨轉非受相應者謂心隨轉身口業心隨轉心不相應行及受受相應非心隨轉者謂心意識心隨轉亦受相應者謂想陰彼相應行陰非心隨轉亦非受相應者謂除心隨轉身口業若餘身口業除心隨轉心不相應行若餘心不相應行如受想行亦如是除其自性一無覺無觀三分別住現法樂三昧修或覺隨轉非觀相應作四句覺隨轉非觀相應者廣說如喜心知見三昧修亦如是慧分別三昧修廣說如慈心問三昧修幾見非見處答一切應分別住現法樂三昧修或見非見處作四句見非見處者謂住現法樂三昧修所攝盡智無生智所不攝無漏慧見

處非見者謂見所不攝有漏住現法樂三昧修見亦見處者謂世俗正見非見亦非見處者謂見所不攝無漏住現法樂三昧修知見三昧修或見亦見處或見處非見見亦見處者謂知見三昧修所攝世俗正見餘見處非見慧分別三昧修或見非見處作四句見非見處者謂慧分別三昧修所攝盡智無生智所不攝無漏慧見處非見者謂見所不攝有漏慧分別三昧修見亦見處者謂世俗正見非見亦非見處者謂見所不攝無漏慧分別三昧修漏盡三昧修所攝慧是見非見處餘非見亦非見處一切非身見因身見亦非彼因三昧修所攝身口業及思此是業非業報餘非業亦非業報問三昧修幾業非業隨轉答一切應分別住現法樂三昧修知見三昧

修漏盡三昧修廣說四句如禪修多羅中分別慧分別三昧修廣說四句如聖種修多羅中分別三昧修所攝身口業是造色色非可見色餘非造色色亦非有對色色非有對色餘非造色色亦非有對色一切是甚深難了難了甚深一切是善亦善因一切非不善亦非不善因一切非無記亦非無記因一切是因緣緣及有因問三昧修幾次第非次第緣緣答一切應分別三昧修或次第非次第緣緣作三句次第非次第緣緣者謂未來現前必起心心法次第亦次第緣緣者謂過去現在心心法非次第亦非次第緣緣者謂除未來現前必起心心法若餘未來心心法及身口業心不相應行三昧修所攝身口業是緣緣非有緣餘

十一

十七

是緣緣亦有緣一切是增上緣緣及有增上一隨流非流一非流亦非隨流二分別二若有漏彼隨流非流若無漏非流亦非隨流菩提品者謂七覺支問云何七答謂念覺支乃至捨覺支問此七覺支幾色幾非色答一切非色一切不可見一切是無對一切是無漏一切是有為一切是無報一切從因緣生世所攝一切是名所攝一切是外入所攝一切是智知一切非斷知及不斷一切是應修一切不穢汚一切是果及有果一切是不受一切非四大造一切是有上一切非有一切因相應善二處少分攝七覺支七覺支亦攝善二處少分不善處所不攝無記處所不攝漏處所不攝有漏處所不攝無漏二處少分攝七覺支七覺支亦攝無漏二處少分一

切或過去或未來或現在一切是善一切是不繫問覺支幾學幾無學答一切應分別念覺支或學或無學云何學謂學意思惟相應念覺支云何無學謂無學意思惟相應念覺支如念覺支餘一切亦如是一切是不斷一切是心法心相應一心隨轉非受相應六心隨轉亦受相應一切心隨轉想行相應除其自性問覺支幾覺隨轉非觀相應答一切應分別念覺支或有覺有觀或無覺有觀或無覺無觀云何有覺有觀謂有覺有觀意思惟相應念覺支云何無覺有觀謂無覺有觀意思惟相應念覺支云何無覺無觀謂無覺無觀意思惟相應念覺支如念覺支擇法精進猗定捨覺支亦如是喜覺支或有覺有觀或無覺無觀云何有覺有觀謂有覺有觀意思

惟相應喜覺支云何無覺無觀謂無覺無觀意思惟相應喜覺支六非見亦非見處一分別擇法覺支所攝盡智無生智所不攝無漏慧是見非見處餘非見亦非見處一切非身見因身見亦非彼因一切非業亦非業報一切是業隨轉非業一切非造色色非可見色一切非造色色非有對色一切是甚深難了難了甚深一切是善亦善因一切非不善亦非不善因一切非無記亦非無記因一切是因緣緣亦有因問覺支幾次第非次第緣緣答一切應分別念覺支或次第非次第緣緣作三句次第非次第緣緣者謂未來現前必起念覺支次第亦次第緣緣者謂過去現在念覺支非次第亦非次第緣緣者謂除未來現前必起念覺支若餘未來念覺支如念覺

支餘一切亦如是一切是緣緣亦有緣一切是增上緣緣及有增上一切非流亦非隨流

衆事分阿毗曇論卷第十

九